

INUIT ATAQATIGIIT

Inatsisartuni



08. marts 2019.

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Qasigiannguani kigutileriffiup illutaa suna pissutigalugu matuneqarnikuunera Naalakkersuisut erseqqinnerusumik paasissutissiisinnaappat?**
- 2. Qasigiannguani kigutileriffiup illutaata iluarsartuuteqattaarnikuunerata ingerlarnga, qanorlu aningaasartuutaatigisimanersoq Naalakkersuisut paasissutissiisinnaappat?**
- 3. Piffissami aggersumi Qasigiannguani kigutileriffimmik nutaamik sanaartornissamut Naalakkersuisut pilersaaruteqarpat?**
 - a) Akissut aappiuppat: nutaamik sanaartortoqassappat qaqugu sanaartorneq aallartinneqassava? Tamannalu aningaasanngorlugu qanoq naleqassava?**
- 4. Qasigiannguani kigutilerisussaaleqineq aaqqiissuteqarfiginiarlugu Naalakkersuisut qanoq pilersaaruteqarpat?**
- 5. Ukiuni kingullerni tallimani kigutilerisutut ilinniartutik aallartittartut qanoq amerlatigippat?**
 - a) Taakkunanga qanoq amerlatigisut ilinniakkaminnik naamassinnittarpat?**
- 6. Ukiuni kingullerni tallimani kigutigissaasutut ilinniartutik aallartittartut qanoq amerlatigippat?**
 - a) Taakkunanga qanoq amerlatigisut ilinniakkaminnik naamassinnittarpat?**
- 7. Nunatsinni kigutilerisutut ilinniarsimasut katillugit qanoq amerlatigippat?**
 - a) Nunatsinni kigutilerisutut ilinniarsimasut sulisorineqartut illoqarfikkaartumik nunaqarfikkaartumillu qanoq amerlatigippat?**
- 8. Nunatsinni kigutigissaasutut ilinniarsimasut katillugit qanoq amerlatigippat?**
 - a) Nunatsinni kigutigissaasutut ilinniarsimasut sulisorineqartut illoqarfikkaartumik nunaqarfikkaartumillu qanoq amerlatigippat?**
- 9. Nunatsinni kigutilerisutut ilinniarsimasut qanoq amerlatigisut amigaatigineqarpat?**

a) Nunatsinni kigutilerisutut ilinniarsimasut amigaatigineqartut illoqarfikkaartumik nunaqarfikkaartumillu qanoq amerlatigippat?

10. Nunatsinni innuttaasut kigutiginnerulernissaat anguniarlugu Naalakkersuisut qanoq suliniuteqarpat?

11. Nunatsinni kigutilerisutut kigutigissaasutullu ilinniarsimasut sulisoriinnarnissaat qulakkeerniarlugu Naalakkersuisut qanoq pilersaaruteqarpat?

12. Nunatsinni meeqqanik inuusuttunillu sumiginnaasarneq kinguaassiutitigullu atornerluisarnermut pasitsaassaqartarneq eqqarsaatigalugu kigutilerisut kigutigissaasullu piginnaasaat ilisimasaallu naammattut pigineqarpat?

a) Nunatsinni meeqqanik inuusuttunillu sumiginnaasarneq kinguaassiutitigullu atornerluisarnermut pasitsaassaqartarneq eqqarsaatigalugu kigutilerisut kigutigissaasullu piginnaasaat ilisimasaallu qaffassaaviginiarlugit Naalakkersuisut qanoq pilersaaruteqarpat?

(Inatsisartunut ilaasortaq Aqqa Samuelson, Inuit Ataqatigiit)

Tunnqavilersuut:

Qasigiannguani kigutileriffik qaammaterpaalunngulertuni maannakkut matoqqatinneqarpoq. Matoqqatinneqarneranut pissutaasoq eqqortumik nassuiarneqarnissaa piumasaraara. Qasigiannguani kigutileriffiup illutaata matuneqarnissaata tungaanut suliap qanoq ingerlasimanera, taavalu iluarsaatuuteqattaarneranut aningaasartuutit qanoq annertutigisimansut ilanngullugit paasisaqarfigeruppakka. Qasigiannguani innuttaasut qaammaterpassuarni kigutilerisoqanngillat, aammalu kigutileriffiup illutaata matuneqarnikuunerata kingunerisaanik innuttaasut kigutileritinnissamut periarfissaqarnerat kipiluttunarsimavoq. Qasigiannguani kigutilerisumik amigaateqartoqarnera ilaatigut pissutigalugu Qasigiannguani innuttaasut illoqarfinnut allanukarlutik kigutileritikkiartortariaqartarput, tamannalu innuttaasut namminneerlutik aningaasarpasuit atorlugit aningaasartuutigisarlugu. Taamaattumik Qasigiannguani kigutilerisussaaleqineq aaqqiisuteqarfiginiarlugu Naalakkersuisut qanoq iliuuseqarniarnersut paasisaqarfigissallugu soqutiginarpoq.

Taassuma saniatigut Nunarput tamaat isigalugu kigutilerisutut ilinniarsimasut illoqarfikkaartumik nunaqarfikkaartumillu qanoq amerlatiginersut paasisaqarfigerusuppakka, aammalu inoqarfikkaartumik kigutilerisutut ilinniarsimasut amigaatigineqartut qanoq amerlatiginersut paasisaqarfigerusullugit.

Nunatsinni innuttaasut kigutigissuunissaat anguniarlugu Naalakkersuisut qanoq suliniuteqarnerlutik paasisutissiissutigineqarnissaat kissaatigaara. Nunatsinni kigutilerisutut ilinniarsimasut sulisoriinnarnissaat qulakkeerniarlugu pilersaarutit saqqummiunneqartariaqartut isumaqarpunga.

Naggataatungaatigullu kigutileriffiup kommunillu susassaqarfigisaani isumaginnittoqarfimmuut atuarfeqarfimmullu suleqatigiinnerup qanoq ingerlanera ilisimasaqarfigissallugu pingaaruteqarpoq. Tassami meeqqanik inuusuttunillu sumiginnaasoqarsimatillugu kinguaassiutitigullu atornerluisoqarsimatillugu pasitsaassaqarnermi kigutileriffik nalunaartussaataitanermit pisussaaffeqarpoq. Tassungalu tunngatillugu kigutilerisut kigutigissaasullu piginnaasaasa ilisimasaallu qanoq inissisimansut ineriartortinniarnersullu paasisaqarfiginissaat soqutiginaateqarpoq, qularnanngitsumik meeqqanik inuusuttunillu sumiginnaasarneq atornerluisarnerlu akiorniarlugu ilimatsaassinermi kigutileriffik kivitseqataalluarsinnaamat.

Ullut sulliviit qulit nalinnaasut iluanni apequtinnut akissutit tiginissaannut qilanaarpunga.